



Broj: 07/1-14-14021/18  
Datum: 14.05.2018. godine

Na osnovu člana 70. st. 1., 3. i 6, člana 88. i 89. stav 3. Zakona o javnim nabavkama („Sl. glasnik BiH“, broj 39/14), Odluke o pokretanju postupka javne nabavke broj: 07/1-14-12910/18 od 27.04.2018. godine, Konkurentskog zahtjeva za dostavu ponuda broj: 07/1-14-12910-3/18 od 30.04.2018. godine i Obavještenja o javnoj nabavci broj: 111-7-1-15-3-4/17, Ministarstvo finansija TK, Turalibegova 40, kao ugovorni organ, ID broj: 4209418980002 donosi:

**ODLUKU**  
**o izboru najpovoljnijeg ponuđača**

**Član 1.**

Prihvata se Preporuka Komisije za javne nabavke, broj: 07/1-14-12910-9/18 od 14.05.2018. godine u postupku javne nabavke radova – krečenje prostorija Ministarstva, po obavještenju o javnoj nabavci broj: 111-7-3-3-2/18, te se utvrđuje da je najbolji ponuđač **DOO„INTERART“ Tuzla**, Mehmedalije Maka Dizdara, Stupine B2.

**Član 2.**

Ponuđaču DOO„INTERART“ Tuzla dodjeljuje se ugovor o nabavci radova iz člana 1. ove Odluke, a prema Ponudi od 11.05.2018. godine, na Obrascu za cijenu ponude u konkurentskom zahtjevu za dostavu ponuda broj: 07/1-14-12910-3, za ponuđenu cijenu od 12. 975,50 KM, bez PDV-a.

**Član 3.**

Prijedlog Ugovora o nabavci dostavit će se na potpis izabranom ponuđaču u roku do **10 dana**, računajući od dana kada je ponuđač obaviješten o izboru ponude.

**Član 4.**

Ova Odluka objavit će se na web-stranici [www.vladatk.kim.ba](http://www.vladatk.kim.ba) i istovremeno dostaviti ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

**Član 5.**

Ova Odluka stupa na snagu danom donošenja i dostavlja se ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

**O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke radova – krečenje prostorija Ministarstva broj: 07/1-14-12910/18 od 27.04.2018. godine. Javna nabavka je provedena putem konkurentskog zahtjeva za dostavu ponuda.

Procijenjena vrijednost javne nabavke bez PDV-a je 21.400,00 KM.

Obavještenje o nabavci broj: 111-7-3-3-2/18 dostavljeno je na objavu dana 30.04.2018. godine, a objavljeno je na Portalu javnih nabavki istog dana.

Obavještenje o javnoj nabavci je proslijeđeno slijedećim ponuđačima (istovremeno sa slanjem obavijesti na Portal javnih nabavki): DOO „Leo“, Tuzla, DOO „PUC“ Tuzla i DOO „BOSNALIFT“ Tuzla.

Konkurentski zahtjev su još preuzeli slijedeći ponuđači: „Inter-com“, d.o.o. Zenica, „Mont-fasaden“, „Sevgrad“, d.o.o. Gradačac, „Colorex“, d.o.o. Mostar, „Kula Mont“, d.o.o. Zenica, „Cospex“, d.o.o. Zenica, GD „Dekor MB“, d.o.o. Tuzla, „MIG Elektro“, d.o.o. Mrkonjić Grad, „Kristal“, d.o.o. Živinice, „Ukras“, d.o.o. Tuzla, „Interart“, d.o.o. Tuzla, „Asilt ing“, d.o.o. Gradačac, „Wintec“, d.o.o. Sarajevo, „PUC“, d.o.o. Tuzla.

Iz Izvještaja o radu broj: 07/1-14-12910-10/18 od 14.05.2018. godine je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda: **deset (10)**
- da je blagovremeno zaprimljeno: **deset (10)** ponuda i to : „Inter-com“, d.o.o. Zenica, „Sevgrad“, d.o.o. Gradačac, „Colorex“, d.o.o. Mostar, „Kula Mont“, d.o.o. Zenica, „Cospex“, d.o.o. Zenica, „Kristal“, d.o.o. Živinice, „Ukras“, d.o.o. Tuzla, „Interart“, d.o.o. Tuzla, „Asilt ing“, d.o.o. Gradačac, „PUC“, d.o.o. Tuzla
- da nije bilo neblagovremeno zaprimljenih ponuda.
- ponude **devet (9)** ponuđača su **prihvatljive**, i to: „Inter-com“, d.o.o. Zenica, „Colorex“, d.o.o. Mostar, „Kula Mont“, d.o.o. Zenica, „Cospex“, d.o.o. Zenica, „Kristal“, d.o.o. Živinice, „Ukras“, d.o.o. Tuzla, „Interart“, d.o.o. Tuzla, „Asilt ing“, d.o.o. Gradačac, „PUC“, d.o.o. Tuzla.

Ponuđač „Sevgrad“, d.o.o. Gradačac nije dostavio dokaz o registraciji - aktuelni izvod iz sudskog registra ili drugi dokumenat kao dokaz o registraciji osnovne djelatnosti **sa datumom izdavanja ne starijim od 6 mjeseci od dana dostavljanja ponude (dostavljena je ovjerena kopija Rješenja o registraciji od 23.03. 2016. odine)**, te je ponuda **odbačena**, u skladu sa članom 68. stav (4) tačka i) Zakona o javnim nabavkama BiH.

Prije sačinjavanja rang liste, u obzir su se uzeli i dokazi o primjeni preferencijalnog tretmana domaćeg koje su dostavili ponuđači DOO „Cospex“ Zenica, DOO „Interart“ Tuzla, DOO „Colorex“ Mostar i DOO „Puc“ Tuzla.

Uvažavajući preferencijalni tretman domaćeg, sačinjena je rang lista ponuđača kako slijedi:

	Naziv / ime ponuđača	Konačna cijena u KM (bez PDV-a)
1.	DOO „INTERART“ TUZLA	12.975,50
2.	DOO „COLOREX“ DOO MOSTAR	14.490,50
3.	DOO „COSPEX“ ZENICA	15.276,50
4.	DOO „KRISTAL“ ŽIVINICE	17.257,80
5.	DOO „INTER-COM“ Zenica	17.371,70
6.	DOO „KULA MONT“ Zenica	17.782,00
7.	DOO „PUC“ TUZLA	21.103,73

8.	DOO „UKRAS“ Tuzla	19.036,50
9.	DOO „ASILT ING“ GRADAČAC	19.348,00

Komisija je, nakon ocjene ponuda, dala Preporuku ugovornom organu da donese odluku o izboru najpovoljnijeg ponuđača i ugovor o javnoj nabavci radova krećenje prostorija Ministarstva, zaključi sa ponuđačem DOO„INTERART“ Tuzla, sa najnižom ponuđenom cijenom u iznosu od 12. 975,50 KM bez PDV-a.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu pristiglih ponuda, shodno kriterijima iz Konkurentskog zahtjeva.

Prilikom ocjene provedenog postupka, rukovodilac organa nije našao razloge nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Naime, u postupku je ocijenjeno da je Komisija u svemu pravilno postupila te da je izbor ponuđača izvršen u skladu sa Zakonom o javnim nabavkama, podzakonskim aktima i Konkurentskim zahtjevom, te kako ista ispunjava sve uslove predviđene Konkurentskim zahtjevom, odlučeno je kao u članu 1. ove Odluke.

#### POUKA O PRAVNOM LIJEKU:

Protiv ove odluke može se izjaviti žalba ugovornom organu, najkasnije u roku od 5 (pet) dana od dana prijema ove odluke.



MINISTAR

Miralem Nuhanović, dipl.pec.

Dostavljeno:

- 1x „Inter-com“, d.o.o. Zenica
- 1x „Sevgrad“, d.o.o. Gradačac
- 1x „Colorex“, d.o.o. Mostar
- 1x „Kula Mont“, d.o.o. Zenica
- 1x „Cospex“, d.o.o. Zenica
- 1x „Kristal“, d.o.o. Živinice
- 1x „Ukras“, d.o.o. Tuzla
- 1x „Interart“, d.o.o. Tuzla
- 1x „Asilt ing“, d.o.o. Gradačac
- 1x „PUC“, d.o.o. Tuzla
- 1x a/a